

2 მაისს გაიმართა უმაღლესი ლიგის ფეხბურთელთა საკავშირო ჩემპიონატის VIII ტურის მატჩები.

საქართველოს გუნდები სტუმრად გამოდიოდნენ: თბილისის „დინამო“ მინსკში, ხოლო ლანჩხუთის „გურია“ - ვილნოუსში.

მინსკის მატჩში პირველი ტაიმი თანაბარ ბრძოლაში მიმდინარეობდა. რამდენადმე მაინც ხელშესახები უპირატესობა არც ერთ მხარეს არ ჰქონია. ორივე გუნდი უმეტესად შუა მიწაში მოქმედებდა. სახიფათო მომენტებიც ნაკლებად იქმნებოდა. ბურთის გატანის კარგი შესაძლებლობა ჰქონდა მხოლოდ მინსკელ ალენიკოვს და თბილისელ გურულს.

შესვენების შემდეგ ტერიტორიულ უპირატესობას თანდათან, მეთოდურად მასპინძლები დაეუფლნენ: თბილისელები გაძლიერებული ძალებით იგერიებდნენ მეტოქის იერიშებს და მხოლოდ იშვიათი კონტრშეტევებით ტუ პასუხობდნენ, თუმცა, ამ მომენტებშიც შეეძლოთ წარმატების მოპოვება: ერთ-ერთი ასეთი მანევრის დროს უორდანია ოდნავ ვერ მისწვდა ბურთს. მატჩის დასასრულს კი რევიზილმა ვერ გამოიყენა საუკეთესო მდგომარეობა.

შუა ტაიმი მინსკელები ხანგრძლივ შეტევაზე გადავიდნენ. სტუმრები თითქმის მთელი შემადგენლობით იცავდნენ თავს. შეტევის ხაზზე იშვიათად, მხოლოდ ინდივიდუალური გარღვევის შედეგად თუ გავიდოდა ვინმე. მინსკელთა ერთ-ერთი იერიში-ს დროს გოცმანოვმა ძელს მოახვედრა ბურთი, მაგრამ ყველაფერი იმით დამთავრდა, რომ მასპინძლებმა ვერ გამოიყენეს თავიანთი ეს მნიშვნელოვანი ტერიტორიული უპირატესობა და ფრეს დასჯერდნენ - 0:0.

მეტოქეებმა ეს მატჩი ასეთი შემადგენლობებით ჩაატარეს: მინსკი - საცუნკევიჩი, ბოროვსკი, ტრუხანი, იანუშევსკი, სოკოლი, ზიგმანტოვიჩი, გოცმანოვი, კისტენი, ალენიკოვი, შალიმო (გომანოვი, 79), კონდრატიევი. თბილისი - გაბელია, სვანაძე, ჩივაძე, ჭეღია, ცვეიბა, რევიზილი (მალანია, 86), უორდანია, სულაქველიძე, ცაავა (კორღალიძე, 81), კაკილაშვილი, გურული.

მსაჯი ვ. ბუტენკო (მოსკოვი). დუბლიორები - 3:1.

თბილისელთაგან ბურთი ფანსკულაიამ გაიტანა.

ლელო 5.05.1987